

故宮  
珍  
藏  
本  
刊

清世祖聖祖御製詩文

共六冊  
第五冊



故宮博物院編 海南出版社

故宮珍本叢刊第 546 冊清代御製詩文集

故宮博物院編

# 萬壽詩 清聖祖御製詩文

第五冊（共六冊）

海南出版社



圖書在版編目(CIP)數據

故宮珍本叢刊/故宮博物院編。—影印本。—海口:海南出版社,2000.6

本書包括:萬壽詩/(清)世祖撰·清聖祖御製詩/(清)聖祖撰·清聖祖御製文/(清)

聖祖撰等 17 種書

ISBN 7-80645-664-3

I. 故… II. 故… III. ①詩歌—作品集—中國—清代②散文—作品集—中國—清代

IV. I214.91

中國版本圖書館 CIP 數據核字(1999)第 63607 號

故宮珍本叢刊第 546 冊

清代御製詩文集

萬壽詩·清聖祖御製詩文

第五冊(共六冊)

故宮博物院編

責任編輯:李升召

\*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

\*

2000 年 6 月第 1 版 2000 年 6 月第 1 次印刷

開本:787×1092 毫米 1/16 印張:28 印數:1-400 冊

ISBN 7-80645-664-3/I·68

定價:6630 元(清代御製詩文集 17 種共 42 冊)

本書如有印裝質量方面問題請與我社或承印廠聯係  
我社為本書每冊(種)書新編的目錄均置於每冊書末

御製文第三集卷六目錄

勅諭

諭山西巡撫噶禮

諭散秩內大臣公傅爾丹

諭兵部

諭禮部

御製文第三集

卷六 目錄

一

諭川陝總督華顯陝西巡撫鄂海

甘肅巡撫齊世武

諭河南巡撫徐潮

諭大學士馬齊席哈納張玉書吳

璫陳廷敬學士色德禮鐵圖滿

丕阿蘭泰趙士芳王九齡曹鑑

倫徐秉義

諭吏禮二部

諭吏部

諭刑部

諭戶部

諭工部

御製文第三集

卷六 目錄

二

諭起居注官揆敘海寶

諭大學士馬齊起居注官滿保海

寶

諭欽天監

諭兵部

諭戶部

諭戶部

御製文第三集

卷六 目錄

三

御製文第三集卷六

勅諭

諭山西巡撫噶禮

朕君臨天下四十餘載無一刻不以蒼生  
爲念近因西省望幸甚切故於冬時農隙  
減從輕騎由晉以及秦入境以來觀風問  
俗見官方微有廉風民生略有起色閭閻  
之間俗樸尚儉朕心少慰朕自弱齡讀書  
往往以不知窮簷僻壤之疾苦爲歎息所  
以留心於官方吏治凡有來往者必先諮  
詢民情豐歉偶有失時定加蠲賑且思晉  
省不通水運歲或不登卽難籌畫雖有州

縣存貯之穀米未必實數具在反益不肖  
有司之虧空也今歲山西收成頗佳爾等  
仰體朕愛民如子之至意曉諭民間若豐  
歲用奢則荒年必致匱乏教以禮義導以  
守法重農務本藏富於民則朕無西顧之  
憂矣凡朕所經之處必大沛恩澤因今歲

御製文第三集

卷六 勅諭

二

東省災甚已蠲四十三年地丁錢糧又免  
雲貴廣西四川地丁錢糧所以不能施惠  
但將四十二年以前山西所屬州縣未完  
銀兩米草盡行蠲免以示朕加惠黎元之  
念爾等卽遵諭行特諭康熙四十二年十

月二十六日

諭散秩內大臣公傅爾丹

今日閱射時兵丁所乘馬驚逸漸近御仗  
諸年少大臣俱效年老大臣旁觀不動惟  
爾直前勒止之可謂繼武前人矣特賜爾  
貂皮褂一領嗣後益加勉力勿以身爲大  
臣而不思奮力向前也康熙四十二年十

御製文第三集

卷六 勅諭

三

月二十九日

諭兵部

朕巡歷諸省觀綠旗兵丁無如提督潘育  
龍之兵者射旣熟嫻人復勁健此皆統率  
將領之訓練有方也自提督以下官員可  
俱加一級康熙四十二年十一月十三日

## 諭禮部

周文王武王古之聖君非他帝王可比向以孔子聖人已書名致祭矣此祭文內亦應書名康熙四十二年十一月十六日

諭川陝總督華顯陝西巡撫鄂海甘

肅巡撫齊世武

御製文第三集

卷六 勅諭

四

朕撫有區夏思臻上理期於舉世乂安宵旰勤勞未嘗少釋而秦省爲天下要地時厯朕懷曩者連歲荒旱所司未經奏報朕訪聞得實卽多方籌畫運米拯救一由襄陽運至商州一命河臣由黃河運至潼關一由湖灘河朔運至渭河一由甘肅運至

西安分行賑濟蠲賦已責安集流離秦民

始得少蘇自康熙三十二年遣皇長子致祭華山以來雨暘時若年穀豐登閭閻微有起色但秦省關係最重且不通水運撫綏尤宜加意故不憚隆冬跋履風霜遠臨茲土見百姓歡迎載道且知今歲有秋地

御製文第三集

卷六 勅諭

五

方文武官吏能恪勤奉職滿漢軍士亦皆訓練有方朕心甚慰凡巡幸所至必大沛恩膏今將陝西巡撫及甘肅巡撫所屬地方康熙四十二年以前各項積欠銀米草豆錢糧盡行蠲免俟四十三年直隸各省咸獲豐稔當將秦省四十四年正供亦行

免徵該督撫卽通行曉諭俾窮鄉僻壤小

民均霑實惠儻不肖有司希圖侵蝕以致

澤不下究該督撫嚴加訪察據實指叅以

副朕愛養黎元之至意尔等卽遵諭行特

諭康熙四十二年十一月十七日

### 諭河南巡撫徐潮

御製文第三集

卷六 勅諭

六

朕念西土兵民生計乘冬令農隙之時特

事西巡返轡京師道由豫省自入潼關見

閩鄉以及河南府民生甚艱而懷慶稍裕

至衛輝府則又艱苦賴薄有秋成尚能餬

口儻遇歉歲必至流亡此皆大小官吏互

相容隱雖有衰老病廢懶惰退諉之員仍

使在任以故貽誤地方河南百姓質朴愚

魯輸賦從未稽遲而今歲所欠乃至四十

萬兩顯係有司聞朕蠲除秦晉積欠錢糧

希冀恩免而於中漁利現今民欠甚多俱

免催徵著將河南通省官俸役食補足所

欠之數如有不完停其陞轉俟完日開復

御製文第三集

卷六 勅諭

七

特諭康熙四十二年十二月初六日

諭大學士馬齊席哈納張玉書吳琬

陳廷敬學士色德禮鐵圖滿丕阿

蘭泰趙士芳王九齡曹鑑倫徐秉

義

朕頃巡幸西省閱汾渭二水俱屬大河直



與黃河相通河南等處米穀似可由黃河轉運但聞三門砥柱水勢極溜船不能上朕欲往親閱因陝州知州奏無路徑斷難行走遂未果行特命三貝勒同近御侍衛往視據回奏言伊等遣人乘騎涉河一道閱有神人鬼三門俱係鑿石開通水從三

御製文第三集

卷六 勅諭

八

門流出其勢甚寬其流甚急古人於崖上鑿有曳船眼孔但未經以船驗試不知可否行走前總河靳輔亦曾奏黃河通於汴河但淤墊年久若行疏導即可運糧朕至河南閱河南府居各省之中水路四達最為緊要之地應於此處儲積米穀每年田

畝豈能必皆豐收儻山陝等省間或收成

歉薄即可將此積貯米穀修造船隻由黃輓運若到三門砥柱船不能上亦可於三門砥柱造船剥運以至山陝誠使河路疏通則商賈人民大有裨益所宜於無事之時預為籌畫者也豫省每年解京漕糧二

御製文第三集

卷六 勅諭

九

十萬石有奇若將豫省三年漕糧截留備用則陝西等省雖值歉收之年將此米穀運至彼處賑濟殊屬有益俟明歲再遣大臣往視康熙四十二年十二月二十日

諭吏禮二部

華顯自簡任總督以來潔已率屬綏輯地

方秦蜀兩省事務料理合宜才猷茂著頃

朕西巡秦省滿漢文武官吏軍民無不稱

譽其賢忽聞患病溘逝朕心深爲軫悼應

加贈職銜宮保著議奏仍加祭一次康熙

四十三年正月二十二日

諭吏部

御製文第三集

卷六 勅諭

十

教職官員必文義明通方稱厥職近見直

省教職官內不諳文義者甚多如此何以

名爲師儒訓迪士子著行文直省巡撫將

各屬教職通行親試分別具題嗣後俱照

此例不時考試康熙四十三年三月十一

日

諭刑部

朝鮮國王李焞敬慎夙著其國人越境行

劫隨經捕獲監禁奏請勘斷此案不必復

遣大臣前往察審可卽令該國王審明擬

結具疏奏聞康熙四十三年四月初十日

諭戶部

御製文第三集

卷六 勅諭

十一

山東省昨歲歉收若將河員俸工銀兩解

往山東買穀則穀價必致騰貴江南產米

之地又水路易於輓運著總河張鵬翮等

卽從江南購買穀石運至東省交倉還項

康熙四十三年四月二十日

諭工部

楚省地方緊要屢次出征盔甲損壞是實  
提標兵丁所需盔甲勅行江南江西總督  
將伊標下兵丁盔甲內擇其佳者照數解  
給楚省仍著該督捐造補額湖廣提督等  
官不必捐造康熙四十三年五月初一日

諭起居注官揆敘海寶

御製文第三集

卷六 勅諭

十三

古人講道學者甚多而尤好非議人彼亦  
僅能言之耳而言行相符者蓋寡是以朕  
不尚空言斷不肯非議古人何以言之凡  
人各有短長棄短取長始能盡人之材若  
必求全責備稍有欠缺卽行指摘此非忠  
恕之道也故孔子當時惟節取人之善隱

諱人之短凡事求諸己並不非諸人是豈

可少容私意於其間乎又人見講道學之  
空言輒爲之太息以爲若等何不見用果  
見用必有可觀此亦徒見其空言而云然  
也若果見用言行亦未必相符惟宋司馬  
光編輯資治通鑑論斷古今盡得其當而

御製文第三集

卷六 勅諭

十三

後之論者反未嘗置諸講道學之列司馬  
光乃宋朝名相言行相符由此以觀不在  
空言也故君子先行後言果如周程張朱  
勉行道學之實者自當見諸議論若但以  
空言而講道學斷乎不可朱子洵稱大儒  
非泛言道學者所可比擬也康熙四十三

年六月二十九日

諭大學士馬齊起居注官滿保海寶

朕從來無代筆之人凡批出諭旨俱朕親

書至朕覽過之書雖日月間隔不甚遺忘

今雖年歲稍增而記性更進即目前陳列

諸書內朕欲稽考某卷某字但指令近侍

御製文第三集

卷六 勅諭

古

取之可以即得未嘗一次錯誤大約存心

清虛不但事不遺忘即疾病亦寡康熙四

十三年八月初三日

諭欽天監

朕用儀器測驗午正一刻十一分初虧未

初三刻二分食甚申初一刻復圓查七政

曆未初三刻二分日月合朔新法推算必

無舛錯之理這舛錯或因誤寫字畫或因

算者忽略將零數去之太多亦未可定著

詳察明白具奏康熙四十三年十月初三

日

諭兵部

御製文第三集

卷六 勅諭

五

曩洞庭湖用兵以需用船隻交與靳輔於

江南備造遂敗賊成功京口船隻皆巡防

海道所用之船從前不加修脩輒致朽壞

隨處委棄朕所親見這水艚犁艚船總督

阿山理應於江南地方親身速行督造乃

欲委員赴浙江温州辦造明屬推諉殊為



不合這船隻卽交與阿山作速堅固造完  
毋致遲誤康熙四十三年十月初四日

諭戶部

山東比年歉收民生饑饉朕焦勞宵旰未  
嘗晷刻少釋於懷四十一年錢糧旣分別  
減免帶徵又停四十二年徵收蠲四十三

御製文第三集

卷六 勅諭

六

年額賦截漕平糶發帑賑施遣用多員分  
道贍養有就食京城者復分廠煮賑命滿  
漢官員資送回籍並給以籽粒之需然後  
民間漸有起色今歲幸風雨和調二麥畢  
登秋禾稔穫流移者悉返里閭復業者咸  
安耕鑿朕於往來山東人等備加詢問深

用心慰但念被災之餘甫離重困若非大

敷恩澤終不能遽底盈寧著將山東省康  
熙四十四年應徵地丁銀米等項除漕糧  
外通行蠲免從來水旱靡常撫綏百姓之  
道全視大小官吏實心講求庶幾民有攸  
濟諭旨到日該巡撫卽飭有司張示曉諭

御製文第三集

卷六 勅諭

七

務俾通省均霑實惠仍牘導小民撙節蓋  
藏期於比屋皆有餘蓄則於朕惓惓爲民  
經畫之意可以無負矣爾部卽遵諭行特  
諭康熙四十三年十月初七日

諭戶部

朕昨歲南巡至浙江見其農桑徧野戶口

蕃殖閭閻氣象較勝於三十八年巡幸之

時甚為心慰浙省錢糧雖前此屢經蠲貸

而朕車駕經臨應更敷恩寬恤俾民生益

加充裕當回鑾以後卽擬免四十三年額

賦因山東急賑災荒遂爾少緩曾頒有諭

旨茲直省皆獲有秋特申前命康熙四十

御製文第三集

卷六 勅諭

六

四年浙江通省應徵地丁銀米等項除漕

糧外著俱行蠲免諭旨到日該督撫卽嚴

飭有司張示徧諭務使窮簷蔀屋均霑實

惠地方大小官吏仍不時訓誡小民令各

守分節用不論年歲豐歉咸有蓋藏庶無

負朝廷殷殷愛養賜租給復之至意尔部

卽遵諭行特諭康熙四十三年十月初七

日

御製文第三集卷六

御製文第三集

卷六 勅諭

九

巡撫東等處地方督理糧餉兼理軍務都察院右副都御史加級臣蔣陳錫

翰林院編修加六級臣蔣漣謹校刊

御製文第三集卷七目錄

勅諭

諭戶部

諭戶部

諭工部

諭內閣

御製文第三集 卷七 目錄

諭大學士九卿等

諭刑部

諭內閣

諭吏部

諭吏部兵工四部

諭工部

諭刑部

諭扈從大學士馬齊張玉書陳廷

敬

諭山東巡撫趙世顯

諭河道總督張鵬翮

諭河道總督張鵬翮及河工官員

御製文第三集 卷七 目錄

御製文第三集卷七

勅諭

諭戶部

今歲直隸地方雨暘應候禾稼有秋各郡民生皆獲安恒業惟是去歲山東被災之民自冬月以迄春夏流離轉徙入順天河

御製文第三集

卷七 勅諭

一

間境內者甚多於時設廠煮糜所在賑救因而米價至今未減誠恐近畿一路閭井小民絀於生計是宜加恩寬卹用弘休養順天河間二府屬康熙四十四年應徵地丁銀米著通行蠲免該巡撫卽飭府州縣官張示遍諭務俾窮鄉僻壤均霑實惠以

副朝廷優軫畿輔黎氓至意尔部卽遵諭行特諭康熙四十三年十月初七日

諭戶部

朕宵旰孳孳惟以康濟民生爲念每歲四方水旱皆諭令各督撫不時奏聞仍間遣人員馳往各路諮詢農事有自外省來者

御製文第三集

卷七 勅諭

二

必詳問所過地方雨暘耕作之狀凡以民生所重無如粒食不得不預爲經畫也四十年冬朕巡幸至山東德州聞知萊蕪等六州縣民被災傷卽與蠲免四十二年錢糧及四十二年春南巡視河經行泰安一路見其閭閻生聚遠不逮於從前隨下



諭詳察被災州縣蠲除額賦並動倉穀賑濟但賑蠲雖行而人民甚屬窘迫非以贍養蒙古之法行之不能立遂生計再三籌策乃命官民願効力者百餘人星速前赴山東計口授糧給衣濟用兼量助牛種等物貧窶之人皆賴以全活比朕避暑口外

御製文第三集

卷七 勅諭

三

覺夏月雨水頗多卽命行文移問山東等省而東省果告潦災秋禾少收民滋困苦而地方人情猶帖然安堵此卽遣官養民之實效也因又下諭增益多員並准運通倉米石以資急用顧各州縣地廣人衆需費浩繁尤必大加賑施方能遍及特命漕

臣親赴東省截留漕糧五十萬石分貯沿河鎮市衝要之地散賑而外卽平價發糶而又諭滿洲蒙古漢軍每三佐領合派一人計得四百餘人此所派人員每佐領領帑金一千兩給之並備車輛駝馬等物令分往山東各州縣照前遣人員贍養以至

御製文第三集

卷七 勅諭

四

來年七月爲期其登青萊三府則截漕米由天津海道運至其地每府各三萬石又遣用大臣三員分三路往來巡視稽覈散賑事宜酌定平糶價值而民間始盡霑實惠至於未經散賑之際饑民有流入京城者老幼仳偶急於得食爰於今歲春月命